

神農本草經

冊一

神農本草經

本艸經卷二

吳普等述

孫馮翼同輯

中經

中藥一百二十種為臣主養性以應人無毒有毒斟酌其宜欲遏病補羸者本中經

雄黃

石流黃

雌黃

水銀

石膏

慈石

凝水石

陽起石

孔公孽

殷孽

鐵精落

理石

長石

膚青

右玉石中品十種舊十六種

乾薑

泉耳實

葛根

括樓

苦參

當歸

麻黃

通草

芍藥

蠡實

瞿麥

元參

秦苴

百合

知母

貝母

白苣 淫羊藿 黄芩 狗脊

石龍芮 茅根 紫菀 紫草

敗醬 白鮮皮 酸醬 紫參

藁本 石韋 草薺 白薇

水萍 王瓜 地榆 海藻

澤蘭 防己 款冬華 牡丹

馬先蒿 積雪草 女菀 王孫

蜀羊泉 爵牀 假蘇 翹根 右草中品 四十九種

舊四十六種

桑根白皮 竹葉 吳茱萸

卮子 蕪荑 枳實 厚朴

秦皮 秦茱 山茱萸 紫葳

豬苓 白棘 龍眼 松蘿

衛矛

合歡

右木中品一
種舊同

白馬莖

鹿茸

牛角鰓

殺羊角

狗陰莖

麝羊角

犀角

右獸中品
七種舊同

燕屎

天鼠屎

右禽中品二
種舊三種

蝟皮

露蜂房

鼈甲

蟹

柞蟬

蟻螬

烏賊魚骨

白僵蠶

鮫魚甲

樗雞

活螭

石龍子

木虫

蜚虫

蜚廉

麤蟲

伏翼

右蟲魚中品一
七種舊十六種

梅實

右果中品
一種舊同

大豆黃卷赤小豆

粟米

黍米

右米穀中
品三種舊

二種

蓼實

葱實籩

水蘇

右菜中品
三種舊同

雄黃味苦平寒主寒熱鼠癩惡創疽痔死肌殺精惡
物鬼邪氣百蟲毒勝五兵鍊食之輕身神僊一名黃
食石生山谷

吳普曰雄黃神農苦山陰有丹雄黃生山之陽故
曰雄是丹之雄所以名雄黃也

名醫曰武都敦煌山之陽采無時

案西山經云高山其下多雄黃郭璞云晉太興三
年高平郡界有山崩其中出數千斤雄黃抱樸子
僊藥篇云雄黃當得武都山所出者純而無雜其
赤如雞冠光明曄曄乃可用耳其但純黃似雌黃
色無赤光者不任以作仙藥可以合理病藥耳

石流黃

流舊作砒御覽引作流是

味酸温主婦人陰蝕疽痔惡血

堅筋骨除頭禿能化金銀銅鐵奇物

御覽引云石流青白色主益肝

氣明目石流赤
生羌道山谷
生山谷

吳普曰硫黃一名石留黃神農黃帝雷公鹹有毒
醫和扁鵲苦無毒或生易陽或河西或五色黃是
潘水石液也潘卽礬古字燒令有紫燄者八月九月采

治婦人血結

御覽云治婦人絕陰能合金銀銅鐵

名醫曰生東海牧羊山及太山河西山礬石液也
案范子計然云石流黃出漢中又云劉馮餌石流
黃而更少劉逵注吳都賦云流黃土精也

雌黃味辛平主惡創頭禿痂疥殺毒蟲蝨身痒邪氣
諸毒鍊之久服輕身增年不老生山谷

名醫曰生武都與雄黃同山生其陰山有金金精
熏則生雌黃采無時

水銀味辛寒主疥癩痂瘍白禿殺皮膚中蝨墮胎除

熱殺金銀銅錫毒鎔化還復爲丹久服神仙不死生
平土

名醫曰一名永生符陵出於丹砂

案說文云瀕丹沙所化爲水銀也廣雅云水銀謂
之汞淮南子地形訓云白礬九百歲生白瀕白瀕
九百歲生白金高誘云白瀕水銀也

石膏味辛微寒主中風寒熱心下逆氣驚喘口乾舌
焦不能息腹中堅痛除邪鬼產乳金創生山谷

名醫曰一名細石生齊山及齊盧山魯蒙山采無
時

慈石味辛寒主周痺風溼肢節中痛不可持物洗洗
酸消除大熱煩滿及耳聾一名元石生山谷

吳普曰慈石一名磁君

名醫曰一名處石生太山及慈山山陰有鐵處則生其陽采無時

案北山經云灌題之山其中多磁石郭璞云可以取鐵管子地數篇云山上有慈石者下必有銅呂氏春秋精通篇云慈石召鐵淮南子說山訓云慈石能引鐵只作慈舊作磁非名醫別出元石條亦非

凝水石味辛寒主身熱腹中積聚邪氣皮中如火燒煩滿水飲之久服不飢一名白水石生山谷

吳普曰神農辛岐伯醫和扁鵲甘無毒李氏大寒

或生邯鄲采無時如雲母色

御覽引云一名寒水石

名醫曰一名寒水石一名凌水石鹽之精也生常山又中水縣及邯鄲

案范子計然云凝水石出河東色澤者善

陽起石味鹹微温主崩中漏下破子臧中血癥瘕結

氣寒熱腹痛無子陰痿不起御覽引作補不足引有

二拘攣一名白石生山谷

吳普曰陽起石神農扁鵲酸無毒桐君雷公岐伯

鹹無毒李氏小寒或生太山御覽引云或陽起山采無時

名醫曰一名石生一名羊起石雲母根也生齊山

及琅邪或雲山陽起山采無時

孔公孽味辛温主傷食不化邪結氣惡創疽癩痔利

九竅下乳汁御覽引云一名通石大觀本作黑字生山谷

吳普曰孔公孽神農辛岐伯鹹扁鵲酸無毒色青

黃

名醫曰一名通石殷孽根也青黃色生梁山

殷孽味辛温主爛傷瘀血洩利寒熱鼠瘦癥瘕結氣

一名薑石生山谷

按此當與孔公孽爲一條

名醫曰鍾乳根也生趙國又梁山及南海采無時

鐵精平主明目化銅鐵落味辛平主風熱惡創瘍疽

創痂疥氣在皮膚中鐵主堅肌耐痛生平澤

舊爲三條今并

名醫曰鐵落一名鐵液可以染阜生牧羊及祊城

或析城采無時

案說文云鐵黑金也

理石味辛寒主身熱利胃解煩益精明目破積聚去

三蟲一名立制石生山谷

名醫曰一名肌石如石膏順理而細生漢中及盧

山采無時

長石味辛寒主身熱四肢寒厥利小便通血脈明目

去翳眇下三蟲殺蠱毒久服不飢一名方石生山谷

吳普曰長石一名方石一名直石生長子山谷如

馬齒潤澤玉色長鮮服之不飢

御覽

名醫曰一名土石一名直石理如馬齒方而潤澤

玉色生長子山及太山臨淄采無時

膚青味辛平主蠱毒及蛇菜肉諸毒惡創生川谷

名醫曰一名推青一名推石生益州

案陶弘景云俗方及僊經並無用此者亦相與不

復識

右玉石中品一十四種舊十六種攷鐵落鐵宜與

鐵精爲一

乾薑味辛温主胸滿欬逆上氣温中止血出汗逐風
溼痺腸澼下利生者尤良久服去臭氣通神明生川

谷

名醫曰生犍爲及荊州揚州九月采

案說文云薑禦溼之菜也廣雅云蓀廉薑也呂氏春秋本味篇云和之美者陽樸之薑高誘注陽樸地名在蜀郡司馬相如上林賦有苾薑云云

臬耳實味甘温主風頭寒痛風溼周痹四肢拘攣痛惡肉死肌久服益氣耳目聰明強志輕身一名胡臬一名地葵生川谷

名醫曰一名蒹一名常思生安陸及六安田野實熟時采

案說文云菽卷耳也苓卷耳也廣雅云苓耳蒹常臬胡臬耳也爾雅云蒼耳苓耳郭璞云江東呼爲常臬形似鼠耳叢生如盤毛詩云采采卷耳傳

云卷耳苓耳也陸璣云葉白青色似胡葵白花細莖蔓生可煮爲茹滑而少味四月中生子正如婦人耳璫今或謂之耳璫草鄭康成謂是白胡葵幽州人謂之爵耳淮南子覽冥訓云位賤尚臬高誘云臬者藁耳菜名也幽冀謂之檀菜雒下謂之胡臬

葛根味甘平主消渴身大熱嘔吐諸痺起陰氣解諸毒葛穀主下利十歲已上一名雞齊根生川谷

吳普曰葛根神農甘生太山

御覽

名醫曰一名鹿藿一名黃斤生汶山五月采根暴乾

括樓根味苦寒主消渴身熱煩滿大熱補虛安中續絕傷一名地樓生川谷及山陰

吳普曰括樓一名澤耳一名澤姑

御覽

名醫曰一名果羸一名天瓜一名澤姑實名黃瓜

二月八月采根暴乾三十日成生弘農

案說文云萆萆萋果蓏也廣雅云王白萆也

當爲王萆

爾雅云果羸之實括樓郭璞云今齊人呼之爲天

瓜毛詩云果羸之實亦施于宇傳云果羸括樓也

呂氏春秋云王善生高誘云善或作瓜瓠瓢也案

呂氏春秋善字乃萆之誤

苦參味苦寒主心腹結氣癥瘕積聚黃疸溺有餘瀝

逐水除癰腫補中明目止淚一名水槐一名苦識生

山谷及田野

名醫曰一名地槐一名菟槐一名驕槐一名白莖

一名虎麻一名岑莖一名祿曰一名陵朗生汝南

三月八月十月采根暴乾

當歸味甘温主效逆上氣温瘡寒熱洗在皮膚中

大觀

本洗音癰

婦人漏下絕子諸惡創瘍金創煮飲之一名乾

歸生川谷

吳普曰當歸神農黃帝桐君扁鵲甘無毒岐伯雷公辛無毒李氏小温或生羌胡地

名醫曰生隴西二月八月采根陰乾

案廣雅云山蘄當歸也爾雅云薛山蘄郭璞云今似蘄而麤大又薛白蘄郭璞云卽上山蘄范子計然云當歸出隴西無枯者善

麻黃味苦温主中風傷寒頭痛温瘡發表出汗去邪熱氣止效逆上氣除寒熱破癥堅積聚一名龍沙

吳普曰麻黃一名卑相一名卑監神農雷公苦無

毒扁鵲酸無毒李氏平或生河東四月立秋采御覽

名醫曰一名卑相一名卑鹽生晉地及河東立秋

采莖陰乾令青

案廣雅云龍沙麻黃也麻黃莖狗骨也范子計然

云麻黃出漢中三輔

通艸

御覽作
通艸

味辛平主去惡蟲除脾胃寒熱通利九

竅血脈關結令人不忘一名附支生山谷

吳普曰藟艸一名丁翁一名附支神農黃帝辛雷

公苦生石城山谷葉菁蔓延生汁白正月采御覽

名醫曰一名丁翁生石城及山陽正月采枝陰乾

案廣雅云附支藟艸也中山經云升山其艸多寇

脫郭璞云寇脫艸生南方高丈許似荷葉而莖中

有瓢正白零陵人植而日灌之以爲樹也爾雅云